

永平府志

卷六十一 列傳十一  
一 孫一 孫公 河 孫十一  
三 行 謝 二 卷六十二  
四 傳 五 四 行 五 三

永平府志卷六十

列傳十二 行誼一

**金**

齊陶其先宏正人高祖文及仕鄭州防禦使後徙石城再徙馬城樂安鎮兄甫舉進士未仕卒陶於遼壽隆閒監樂安鎮酒務善幹辦金天會閒授明威將軍階三級僕馬萬餘而厭侈靡崇節儉孝友慈惠動以禮法律身鄉閭翕然稱之長子執中官修武校尉仲子允中忠顯校尉俱恭謹世其行

按灤志云壽昌閒徵授石城令壽昌當是

壽隆之譌

永平府志

卷六十

行誼一

一

吉士寬尹吉甫裔也南漢太守格之後五代徙居灤州宜安里事親最孝富而好施贈昭勇大將軍

**元**

葛宏灤州人金末歲饑竭力贍卹全活數百人元辟爲

石城縣尹

王振平灤人居喪廬墓

梁訥永平人居喪廬墓

以上二人俱見元史孝友傳序

龐遵盧龍人母病腫三年不能起思食魚遵求於市不得歸途歎恨忽有鯉躍入其舟作羹以獻母悅病痊

元史附胡光遠傳

李彥忠盧龍人性至孝父喪廬墓八年足跡不至家至

治中旌表

元史附邵敬祖傳畿輔志作宏治中誤

任伯仁灤州人南麓六世孫讓產於弟伯義伯禮孝友

出至性元貞中授銀符進義副尉武魏親軍百夫長

案元史百官志進義副尉從八品又按將軍有武節武德武義武略之稱無武魏者俟再考

路進興字通舉灤州人大德閒隨伯顏破賊不避矢石

累獲大功受勅牒印綬賜敦武校尉辭歸奉母務盡

菽水之歡母卒餽粥縞素哀毀踰禮鄉人以孝稱焉

明

杜仁義樂亭人洪武閒與妻韓氏俱以孝旌

見明史孝義傳序

永平府志

卷六十

行誼一

一一

韓孝子舊志失名樂亭人居鄉廉讓與人無競竭力以

奉親洪武閒題旌

邑侯陳金駿兩孝子一為黃孝子一為志見有兩孝子一為黃孝子一為

韓孝子黃孝子名贊江西南時贊幼及長聞父再娶居永閒求仕京師留贊已歿其婦挾貲更嫁居樂亭贊往平乃往省之則父已歿其婦挾貲更嫁居樂亭贊往求見拒不納贊曰吾來省父不幸父歿幸示墓所得奉骨歸足矣忍利遺財耶母竟不見其母弟憐之與偕求墓所又不得贊曰夜悲哭禱於神一夕夢一老人以杖指葬處曰見片甌卽可得明日卽其地求之母弟曰是矣某物可驗啟棺負父骨歸嗚呼孝矣昔朱壽昌棄官入秦尋母與家人訣曰誓不見母不復還行次通州得焉與此相類而壽昌迎養終身不復祇負骨以歸豈孝子之遇有不幸也抑天之待孝子各成其是耶越有明又有韓孝子居不著名字弗傳府志云明洪武載有旌表樂亭韓孝子語想已登國史矣縣軼其名惜哉觀此語其孝猶紀其大而韓竟失其名此孝子不幸中之尤不幸

者也雖然孝庸行也率於性之自然而根於心之所不容已其極至於明天察地幽感鬼神祇以求愜其隱衷而非有所表暴於世故其若隱若見亦聽乎遇之適然若兩孝子者是也究之紀其事者孝傳失其名者孝亦傳則雖影響昧昧而至德休聲已昭然揭日月而行余故援筆以紀之俾樂邑士民之讀是編者並誌兩孝子心而由能動其天下之感則孝子之風且與平山灤水而俱長矣

麴祥字景德永平人永樂中父亮爲金山衛百戶祥年十四被倭掠國王知爲中國人召侍左右改名元貴遂仕其國有妻子然心未嘗一日忘中國也屢諷王入貢宣德中與使臣偕來上疏言臣夙遭俘掠抱鬻痛心流離困頓艱苦萬狀今獲生還中國夫豈由人伏乞賜歸侍養不勝至願天子方懷柔遠人不從其

永平府志

卷六十

行誼一

三

請但許給驛暫歸仍還本國祥抵家獨其母在不能識曰果吾兒則耳陰有赤痣驗之信抱持痛哭未幾別去至日本啟以帝意國王允之仍令人貢祥乃復申前請詔許襲職歸養母子相失二十年又有華夷之限竟得遂其初志聞者異之

明史

秦良永平人成化閒以孝旌

與下朱輝名俱見明史孝義傳序

朱輝盧龍人庠生母程氏亡晝夜號泣哀毀骨立廬墓負土成冢及期白狼馴擾不去有燕來朝穀雙歧之異撫院給近墳山場環五里許官爲植樹成化甲辰題旌以歲貢爲任邱訓導

侯顯昌黎人國學生尚氣節敦樸素父母亡俱廬墓側

鳩巢于舍芝生干冢

名見明史  
孝義傳序

楊騰遷安人諸生幼孤母病日以舌舐之而愈及歿廬

墓三年有冰花結於盆儼如樹下人拜伏墳前之象

已而芝草生焉隆慶中上聞詔立純孝格天華表於

通衢仍給冠帶榮之

名見明史  
孝義傳序

韓瑛遷安人廬母墓三年日哀痛覆土三次母墓成邛

深山獨處有虎衛之冬產瑞芝詔立孝感坊同邑蔣

盛廬父墓三年亦詔旌表其閭

名俱見明史  
孝義傳序

穆大任山海人庠生至性純篤父早逝事母以孝聞母

永平府志

卷六十

行誼一

四

歿廬墓值兵變鄉人居村落者皆入城避亂大任獨

守墓不忍去

田紳樂亭人庠生景泰初以親老陳情於督學使者求

侍養父歿哀毀踰禮既葬跣足負土母終亦如之封

土巍然可望數里有司請旌未果

楊珍撫甯人母早逝事父惟謹侍食侍寢積久不怠內

外咸以孝子呼之父疾篤口嘗其便知不能起遂治

後事如禮及葬廬墓側三年

袁卉撫甯人素敦孝行母蚤逝及父歿廬於墓側三年

蛇馴蓐次地湧甘泉共稱孝感

金鏞撫甯人庠生父禧早逝母高氏守志撫孤鏞負米採薪勤於供養母有疾恆焚香祝天願以身代進食必先嘗其寒熱由恩選官光祿寺署正乞歸終養母節子孝萃於一門

王淵廬龍人幼喪父其母陳氏守節至七十餘卒淵廬墓三年日三抔土高冢巍然時其邑人朱國賢宋德昭蕭大用俱親喪廬墓有司獎之

安民字修已灤州人宏治己酉舉人授兵部司務歷戶部郎中引疾乞休加四品服色初父和尹大同卒於官民幼扶櫬還事母周氏曲盡懽愉母卒廬墓三年

永平府志

卷六十

行誼一

五

未嘗入內鄉人稱孝焉

案舊志安民安尚灤州人巡撫汪玉贈扁曰友于之門疑

安民卽是此人

張雲鵬山海衛人父病湯藥親嘗夜不假寐父歿廬墓三年

趙文舉山海衛人幼極孝母患疽痛不可忍醫皆云不治舉禱於天母獲痊家素窘居常奉母甘旨不缺卽富者不能過云

蕭韶鳳山海衛人年十九父病蠱迎醫視之曰得樟柳木根可愈城中求之不獲或告以產於海陽時石河水暴漲不可渡韶直前往覓家人止之泣曰父病篤

阻水而止於心忍乎竟涉至中流溺死三日屍浮於海君子重其孝而哀其愚

張懋勳山海衛人都督世忠子也痛父歿於王事每語及輒流涕事孀母三十餘年孝養備至母卒哀毀骨立廬墓如禮

馮恩孚樂亭人嘉靖壬子歲貢生性至孝有老萊風母性嚴孚先意承志務得親歡待人亦謙和無忤鄉里稱之

張自鎬樂亭人萬曆戊寅歲貢生性謹厚事親最孝母多任性鎬每幾諫久亦感悟

永平府志

卷六十

行誼一

六

孫渤昌黎人幼喪父事母最孝母死廬墓哀毀如禮

傅夢良山海人庠生性純篤母歿哀毀骨立既葬廬墓側夏秋霖雨廬中水盈尺不爲動

王克勤灤州人庠生事繼母以孝聞萬曆十三年學按兩獎其閭

劉文煥字世英樂亭人幼孤事母孝妻盧氏亦孝於姑姑病籲天請代冬著單衣三年病果痊姑歿欲廬墓文煥止之曰此爲子事也自廬墓三年每日覆土者三墳可望數里嘗鑿井於墓旁汲以自爨不數尺泉水湧出人號爲孝子泉云

任自永遷安人生三歲而孤母郭氏撫之成立永事母以孝聞及歿哀毀踰禮既殯廬於墓朝夕哭奠三年如一日

楊有成撫甯人庠生八歲喪父已知哀毀及母卒漿水不入口既葬廬墓側茹蔬啜粥負土築墳日三哭奠歷寒暑不輟遇邊警亦不少動舊有枯松復活鳥巢其上人謂純孝所致同邑孫國賢後亦以廬墓得旌穆思文山海人庠生事繼母孝有二弟俱繼母出財產必均後二弟家窘又爲弟子給產婚娶督學王應元疏請建孝義坊

永平府志

卷六十

行誼一

七

王士倜山海人庠生天性孝友父從政令萊陽以持正忤當事被誣繫獄倜偕弟偉搥登聞鼓刎頸力救卒白父冤

張廷佐遷安人庠生性至孝父疾不解衣帶者五旬餘又失明佐禱神以舌舐之愈及歿夜依柩側風雨不避奉母終身孝養彌至

馬麟盧龍人景泰三年灤水壞田民多流亡輸粟八百石助賑詔旌其門時同邑呂信遷安宋會董全周清楊玘撫甯許敬昌黎高信興才震樂亭姚清徐俊石敬俱捐粟八百石助賑事聞詔旌所居曰尚義之門

翟昊撫甯人天性溫厚與物恂恂人有侮者受而不報  
遇顛連疾苦者常解衣推食以周之祀鄉賢

謝福灤州人天順五年旌之曰尚義

吳思文灤州人輸粟救荒成化五年詔賜七品散官

徐禮灤州人成化閒隆冬時施衣每歲行之不倦人懷  
其惠

李福灤州人於成化七年爲義葬凡不能葬者舉之

王信撫甯衛人進士王印祥之祖也成化七年大饑出  
粟八百石賑饑萬厯閒歲荒邑人郭純學亦捐米助  
賑本縣旌其門

永平府志

卷六十

行誼一

八

王天相撫甯人好施樂善不遺餘力本縣旌之同縣馮  
守業高鑑王一介皆以輸粟救荒周貧濟乏鄉里稱  
長者

楊念撫甯人治家嚴肅一門雍睦七世同居

徐霖撫甯人生平積德以寬忍爲務邦大夫高其行誼  
給授冠帶三子九孫無白丁

黃應科撫甯人性喜施舍族人黃大領家貧轉徙失業  
科招之回里給田一百二十畝養之

鍾鉞撫甯人孝友僮有大節扁旌曰行孚月旦

馮餘慶灤州人由明經授西華令捐資千金建長橋於

治郭以利涉歸施義田用濟貧族以孫運泰貴贈冏卿

劉甫樂亭人自明初至宏治閒六世同居凡內外婚葬禮儀必均人無後言己未巡按御史張黼嘉其賢命

知縣田登旌其廬

灤志作劉本祥恐是一人

劉會灤州人嘉靖十六年輸粟一千石賑饑時州人吳鎮亦捐穀賑饑恩賜六品壽官

高漢樂亭人六世同居嘉靖十六年知府劉隅獎之

王榮遷安人由明經任榆林訓導未幾乞休居鄉友睦嘗買人田人不忍舍輒毀券無難色

永平府志

卷六十

行誼一

九

高玉灤州人嘉靖二十五年施義田並糧二千石以周貧乏

陳慎灤州人孝義令陳情弟事母孝嘗施地六畝營漏澤園於福君廟東北里許

王華遷安人銳曾孫隆慶中輸甄十萬灰五萬修縣東城萬曆十五年大饑出粟八百石助賑詔立尙義坊王永昌樂亭人省祭官家富好施鄉人有稱貸數千金以田廬爲質者久之以多負而私爲轉鬻卒不與較又嘗捐地爲義冢前令二李公有德政士民謀爲建祠昌獨任其事所費盡已出識者韙之

白鑰東勝衛人少穎慧爲郡諸生居家孝弟事兄如父  
嫂如母由國學選南錦衣幕官遷汶上丞執陳友寬  
等大盜置之法鋤蔬植良百姓德之無何挂冠世高  
其恬退處鄉恂恂課三子寒暑不輟長珩季璞皆廩  
生仲瑜登萬曆乙未進士歷官刑部尚書另有傳

蔣良翰字嵩嶽遷安人庠生施捨義家還人遺金縣令

張公名其所居曰尚義莊

按興城街西有尚義莊  
碑記萬曆四十八年立

劉愼山海人萬曆閒諸生性正直而心慈愛凡族黨之  
無依者皆飲食而教誨之闔學公舉鄉飲輔賓

馮欽字師堯其先浙江海鹽人祖甯明初遷灤爲歲貢

永平府志

卷六十

行誼一

十

任范縣主簿清勵至無以歸生子源授忠義官欽茂  
穎強記弱冠餼於庠就例遊太學交四方雲彥推解  
以急友朋正德中仕京衛經歷見逆瑾肆虐解組歸  
人以爲知幾源訓子常曰富者怨之府人已嫉之從  
而驕人事端起矣欽能守父戒故推誠施與閭里被  
其澤焉

李士傑興州右衛人爲諸生時聘陳氏女女後失明或  
勸其更聘傑竟娶之人欽其義宏治中登賢書昌黎  
馮恩仕州同律已廉明娶里人郭氏女自幼目瞽誓  
不更娶鄉里賢之

王臣樂亭人父茂有孝行臣善楷書郡辟爲從事有人  
通賂求逭罪臣指天自誓郡守賢之每疑獄輒召與  
議能白人冤亡何奉母柩歸里山水暴至舟幾覆臣  
撫柩悲號竟無患若神助焉有客懷二十金欲糴粟  
入市遺金哭之悲臣憐助之年四十七未舉子往禱  
泰山夢神告曰以吾二子與爾踰年生太守好學又  
三年生尙書好問若與夢符以二子貴累贈至南京  
戶部尙書

蕭富樂亭人少孤事母孝母卒富以事不在側歸而痛  
極嘔血終身後言及淚泫泫下以祖居讓伯仲而自

永平府志

卷六十

行誼一

十一

居他所嘗爲府吏廉而有陰德嘉靖丁酉大饑鄉人  
求貸乃轉貸之負累者代之償其重義輕利類如此  
始艱嗣後連舉四子長雲漢以貢官運同贈富如其  
官

盧梁樂亭人敬仲子嘉靖五年貢入太學居鄉孝友有  
高志與人無競以子耿麒貴封右參議

王尙賢昌黎人行人翰之子性孝友居鄉仁恕堂弟郎  
中尙直乏嗣以次孫承祧而不利其產由明經知富  
平縣及歸囊橐蕭然不異寒素孫之屏領萬厯辛卯

鄉薦

劉復言字曰義罔卿復禮之季弟也幼業儒奉母家居時母年八十餘兄遠宦巴西俸不遽給歲祿與其妻作苦以易甘旨母壽九十一而終事兄如嚴父不以兄貴驕人兄歿兄子分產不均不與較雖朝夕不給亦不肯干人通國皆稱長者年七十六卒

石璞灤州人賦性醇厚立心寬和人有急難多方周恤毫無德色嘗以棲畝之餘割共鄰族牛豕犯田者飽飼歸之詩書以訓後昆有先民矩矱以子維嶽孫申貴贈中憲大夫晉通議大夫

高吉昌字介幾灤州人貢生少負異穎目下數行生平

永平府志

卷六十

行誼一

十一

喜駿馬善方罫射獵之藝重然諾通緩急賑凶荒累世之積盡公於鄉族有文正父子之風以子貴贈資政大夫兵部尚書

王光業字裕聖灤州人家素封爲善於鄉終其身不履官府昆仲二人業居次兄弟怡怡如也子孫有過恆自爲糾責旣改乃解又好獎勸士類未嘗以豪貴貧窶易面當時稱爲長者及病屏去醫藥預知死期蓋安於理而達於命者崇正末舉鄉飲大賓

耿自然盧龍耿家莊人生數日啼不絕聲適一僧造門負杖擔經岸然高古謂其父曰汝家兒有善緣求抱

出一見從之見僧則轉涕爲笑爲之諷經能點頭及長不茹葷樂善好施放生戒殺破產修白蟒山寺遇荒年出家貲與鄉人共之眾感其惠爲之修祠立像劉明泉世居灤州城南廢馬城縣好施捨衣食藥餌棺木種種義舉見之必爲平生創修廟宇七十餘鑄佛及鐘磬無算馬城玉皇殿碧霞宮各有鐵狻猊二小者高三尺大者倍之重千斤皆其所鑄後人爲立祠於街東玉皇廟後額曰善人祠

張文運號顯吾昌黎人弱冠以文藝受知於學使詹公名藉甚性磊落豪邁遇事敢爲千金不吝嘗屬歲大

永平府志

卷六十

行誼一

十二

饑輸家粟千石以給貧者而不責報崇正二年冬

大清兵入關攻昌黎幾陷公獨當南門凡攻守之器械丁壯之供給犒賞皆捐金爲倡城賴以全子三人長名泰仲名彰季名奇俱庠生沒後翰林編修朱兆柏誌其墓

崔赴闈字名臚盧龍人庠生博學善屬文小試屢冠軍以軀幹豐偉號舍不能容遂絕意仕進性好周卹尤愛惜文士族孫及第家貧力學赴闈閱其文許必售資助應試果登鄉薦捷南宮兄之孫啟亨少孤收養之爲擇師教訓是歲亦列賢書遷安郭鞏少甚貧衣

履弗完延之家教養之鞏遂早捷由給諫晉少司馬  
嘗予告歸來謁留之飯粗糲不異昔時鞏歡然語人  
曰吾師以古人待我矣因乏嗣子弟之子然弗材是  
時年已古稀又病足痿鞏肩輿逆至其家察精神猶  
健勸納繼室笑曰世豈有七十翁壻人者乎不許然  
鞏已密聘王氏女至期大驚辭之不能遂合卺焉生  
子巍甫六歲而赴闈卒

鄭中選字佐明始祖甫智以御史直諫謫灤州因著籍  
事親純孝不冠幘弗敢見遭喪哀毀盡禮以孝誼徵  
辟遷文登令清介自矢士民繪屏尸祝因失上官意

永平府志

卷六十

行誼一

十四

罷歸居鄉力行善事至今稱之

高向辰字欽鄰第長子廩生繼母許卒竭哀盡誠扶櫬  
步行百里友愛諸弟若不知爲異母者推誠任俠助  
友至數百金不惜年四十二卒會葬者不遠數百里  
而至

高應辰字欽明第仲子性謙謹不以貴介忤物以官生  
任戶部照磨督犒援兵城下椎牛割羊乾餼芻茭一  
手拮据勞瘁骨立值父喪痛躅奔赴逮葬嘔血數升  
三月而卒

徐應登字子科撫甯人敦行孝友不昧孤姪遺金以明

經授眞定廣文教人先德行後文藝弟子佩服不謬  
傅有良灤州人事親至孝崇正七年巡撫楊匾旌其門  
石維岱灤州人增廣生因守城功准食廩餼

劉景湯灤州人廩生崇正癸未守蘭坨堡有功議敘

國朝

夏曰瑚灤州人庠生父輔明於崇正九年隨叔建中之  
扶風縣佐任死於流寇家人負骸骨歸時瑚甫五歲  
母聶氏守節撫孤瑚自幼克盡孝道母病密爲嘗糞  
及歿哀毀異常七日不食竭蹶殯葬廬於墓側日夜  
哭泣哀感行路三年歸猶日至墓所每號泣而反至

永平府志

卷六十

行誼一

十五

老風雨無閒

劉光裕號小峯遷安人居鄉樂施尙義慈愛謙恭撫孤  
姪嫁族女助喪賑饑盛德積累鄉人號曰劉佛以子  
鴻儒貴贈兵部右侍郎入祀鄉賢

張宗仕灤州人幼失怙事母盡孝及長喜讀孫吳書任  
俠好施明季從兵備張春軍屢有戰功授明威將軍  
順治壬辰癸巳閒歲薦饑兩次捐粟一千八百石有  
奇全活無算郡守旌其門曰惠溥一方舉鄉飲賓又  
嘗捐渡船二隻水手四人置清坨河口以濟行人子  
起鯉任河防州同孫瑛食餼州庠

韓坤業字子厚府庠生嘗受業容城孫徵君門父原潔  
崇正庚午歿於兵母王氏苦節四十年撫坤成立自  
幼事母至孝內外無閒言母歿廬墓三年哀感行路  
日手抔土高冢巍然康熙九年題旌建坊

戴君祿昌黎人生平好施嘗效馬伏波之爲人散財以  
行義凡學署文廟以及地方各工歲久傾圯力爲營  
建捐資近十萬之數邑侯丁公旌其門曰一國善士  
復作贊勒於明倫堂西壁

王之賓字嘉客際明季子也撫甯庠生性剛方濟難扶  
危雖强悍不遜之徒規以正道亦凜然不敢犯始生

永平府志

卷六十

行誼一

十六

之曰其祖北庵夢一老僧入宅方驚起則婢僕報生  
子矣老僧與北庵舊交明日使人探之老僧果化去  
未化之前屬其徒曰吾明日往駙馬寨其徒亦使人  
候於道果與北庵之使遇之賓隨父於沔流寇破城  
之時父命赴府求援昏夜至漢江無舟楫一超而渡  
次早臨岸見巨浪排空不覺悚然卒年八十有六子  
簡字咸一號莘雲別號匏庵順治末以選拔任江南  
崑山縣知縣

劉延齡字景仁號松喬山海衛人復言子罔卿復禮從  
子也性孝友勸父讓產又捐腴田以修羅城明末由

歲貢司教任邑有守城功順治三年以新命掌教薊州淡泊自甘卻寒士餽遺有司凡有製作無不資延齡手其才有過人者子允元亦蜚聲譽序有父風朱鼎盛字峙尊灤州人庠生以子職封六品生當明季所居榛子鎮係薊遼通衢屢遭兵燹土寇覬覦恣行擄掠村落爲墟士大夫之家荼毒尤甚鼎念桑梓當存亡之際朝廷不暇設兵分守遂率子弟練族兵斬木揭竿家守人戰賊不敢犯當事者以保障宏勳四字旌其門繼復給干城寄任四字額

朱淇字楸林灤州人庠生學品兼優時際國朝定鼎

永平府志

卷六十

行誼一

十七

大兵之後屢有荒年又因征剿三藩徵調差費閭閻實形彫敝淇目擊心傷凡同里冠婚喪葬無不周恤之復煮粥以食餓者日出米百石仍不給至典質田畝以終其事家遂中落著有榛壤野諺集有歌云我之衣食祖父遺子孫衣食祖父有我猶一意拳拳斯甘棄身爲帑藏守又圖傳作後人貲賢愚皆足益其醜低徊頻誦古人詩囊中有錢但沽酒飲酒無腸更奈何偶得拙計未出口此計雖拙心獨安尤莫入而謀諸婦婦人臨財不厭多那知鄰里需升斗升斗之外無須施閒駕犢車他村走每逢伏臘慶佳辰戶

烹羔薦春酒獨有窮子孝婦家也欲盤匱奉姑舅無  
如截髮不得錢起視破釜塵已垢我見此等情愈悲  
下車攜貫門待叩門開急取莫相詢我非匪徒何結  
糾讀此詩其好善樂施之懷亦可概見

王爾瑜字荆巖灤州人增廣生生於明萬曆末年性孝  
友母卒尚幼順治初父卒廬墓三年初父晚年妾生  
子爾璋彌留時謂瑜曰爾何以待爾弟對曰如子父  
曰吾目瞑矣後撫弟入邑庠臨終口吟七絕一首勒  
諸碑陰

王爾琦字荆岫灤州人生於明崇正中有膂力肝膽過

永平府志

卷六十

行誼一

十八

人時有土寇犯境村人盡駭琦挺然獨出與賊拒飛  
礮連擲數十步輒中賊見石甚巨驚曰是何神力遂  
相戒勿復至後率村眾避寇南海誤僦賊船賊擊琦  
琦揮刃扑之飛躍他船盡殲其餘眾賴以全

崔聯芳字子宗山海衛人父出遊五年不歸順治丙戌  
應順天鄉試榜未發得父凶問不知死所日夜號哭  
幾不欲生比揭曉膺鄉薦不顧而行跋歷四省若有  
神示於河南確山縣得之負骨歸葬咸稱爲誠孝所  
感兩經部選高隱不仕年八十卒

趙名元撫甯人庠生母卒廬墓三年始歸康熙二十年

旌其門

馬德盛樂亭人販茶爲生有至性居家孝友奉嗣母甚謹母病盛在外聞之夜行百五十里抵家親調湯藥事兄如事父每事必稟而後行雖乏財而性喜施嘗赴市拾遺金待其人還之康熙二十六年舉鄉耆姚延嗣字振公樂亭人庠生天性孝友睦族撫孤多藉成立遇貧乏不能婚葬者周之無德色樂亭學宮頽壞首先倡修殿廡一新生平樂善好義類如此子采以選拔任國子監學正 贈如其官康熙二十九年祀鄉賢

永平府志

卷六十

行誼一

十九

劉文選樂亭人有事母不瞻計鬻妻以供甘旨者選聞之給以緡米遂不果鬻然劉家亦非素封人謂鬻妻者不失郭巨之存心給緡者無愧元振之盛誼爲兩難云

謝丕智字若愚山海衛人府庠生事親誠孝母病湯藥親嘗衣不解帶者兩月病劇焚香虔禱刲股投藥中母遂痊康熙三十二年公舉孝行郡守梁公世勳旌其門後十年同衛吳元臣亦以刲股療親得旌張一躍樂亭人順治閒拔貢歷任紹陽萬載開化黃安令擢知黃平州悉有循聲以親老歸性孝友父應登

尻下患疽瀕死一躍口吮濃血而愈以兩兄子女多累一弟尚幼悉出已產讓之任紹陽時丁母艱湖撫以一躍撫綏有術欲題請奪情躍叩懇以免康熙五十三年祀鄉賢

趙天錫昌黎人順治辛卯舉人事祖母至孝二親臥病三十餘年躬侍湯藥始終無倦康熙五十三年祀鄉

賢  
畿輔志

吳班字彬如號朗山樂亭人性孝友敦義讓家貧讀書雖酷暑嚴寒不輟領康熙庚午鄉薦振興義學先後景從者數百人皆能因材成就康熙末年令蜀之井

永平府志

卷六十

行誼一

二十一

研持躬耿介寡合二年卽解組歸居鄉以講學明倫維持風化爲務族有姪孫婦新寡爲之立嗣撫恤之二十餘年授以產業無德色雍正三年舉郡鄉飲大賓壽九十餘無疾而終

翟正經字遷齋盧龍人平山司訓鳳翥孫也少失怙恃安貧勵行康熙癸酉登賢書壬辰成進士就職左衛教授教士先器識而後文藝爲大中丞趙公許可延爲會城義館師一時知名之士多從之及補山海教授修理鬻宮捐設祭器講學論文士風丕振乾隆元年以卓異授江南建平令持法平允稱循吏焉未幾

卒於官士民追慕不忘其輓詞有云百日仁風周蔀  
屋千秋清節照郎川其事實可概見矣子九苞國學  
生孫賜鉞雍正乙卯科武舉人賜書廩貢曾孫曉庠  
生

馬雲霽字龍翔昌黎人康熙乙酉舉人天性孝友八歲  
時母病泣禱於祖先求以身代手足之誼老而彌篤  
居恆儉以自持而好施不倦康熙五十四年歲大饑  
煮粥以食貧者族黨給升斗者無算嘗有人稱貸百  
餘金無力還償立焚其券康熙五十八年舉鄉飲大  
賓

永平府志

卷六十

行誼一

二十一

張盛字子震盧龍人康熙辛卯舉人寡言慎行事繼母  
以孝聞郡守滿雲鵬以孝廉方正舉堅辭不就選深  
澤教諭盡職奉公振興士習歷九年卒於官櫬輿旋  
里執紼者百餘人皆失聲祀深邑七賢祠子長采次  
會孫應綸應紳俱庠生

李廷桂字瑞英盧龍人康熙年拔貢性豪爽學最博尤  
善風鑑嘗宴媼家指臧獲中一人語主人曰若者不  
爲干城定聚綠林非若家所宜有也主人遂善遣之  
後果爲邏者得旋脫去卒以武功顯由是世咸服其  
灼見平生持躬儉樸賙卹里黨無吝色德容且不畏

權要里有豪右欲塞巷以廣廬舍眾莫敢櫻桂獨挺身相抗巷賴以存至今居民便之長子忠恩貢次子肅增生孫向春庠生曾孫美廩生

郭重修遷安人家貧傭工養親菽水承歡康熙四十年其父病篤修籲天祈命願以身代病竟愈且友于性成竭蹶供幼弟龍岡讀書入庠鄉人重之

劉輝遷安人康熙四十一年路拾白金二百兩黃金二十兩訪失者還之縣令旌其門後舉鄉飲耆賓

李毓元字儲英灤州人慷慨尚義家設義塾以訓族子歲解私橐以周親知急公排難之舉不可勝紀康熙

永平府志

卷六十

行誼一

二十一

四十二年出粟一千石賑濟復捐助義倉五百石大學士安溪李公撫直時給匾旌其門子楨彬孫宏勳揚勳成勳曾孫紹祖繼祖光祖皆捐穀輸倉設塾教士施義冢賑饑民以篤學好善承其先志繼祖雍正乙卯舉人繼祖子士遴猶能踵行毋怠

田毓琦字瑞生昌黎人性孝友有才幹家貧貿易生計漸饒嘗商於薊之上倉時河水汜溢堤將潰琦出資募夫塞堤遂免水患所保全者不下數千家子永乾中康熙戊子科舉人

王嗣昌字祖生盧龍人庠生九歲失恃賴繼母陳氏撫

育昌事之克孝生平謙厚恬退課子義方子五長珍  
康熙丙戌進士仲季俱庠生

李拔樂亭人祖洪燦嘗捐金創粟家灣橋里人便之父  
本恭性誠篤不欺有人託白金數萬鎰權得浮金數  
千一無所利遇貧乏尤能推解舉鄉飲大賓拔幼遊  
庠序有聲後以父年邁尚行賈濟兗閒請代之計應  
責逋債遇貧不能償者悉還其券後以子蘭貴各  
贈如其官

劉一蛟昌黎人貢生父病衣不解帶者三載事孀母承  
歡無閒撫孤姪如子族人以貧鬻子女者一蛟爲

永平府志

卷六十

行誼一

二十三

措價出二十四口與婚嫁其他賑饑濟乏尤多義舉  
學以濂洛爲宗士類仰之康熙五十三年祀鄉賢  
武天英遷安人監生恭順事兄撫姪如子親友貧者多  
周濟之康熙五十五年捐穀百石貯義倉妻侯氏壽  
百歲

劉元駟昌黎人性仁厚樂善好施康熙五十五年施粥  
三月當事旌之五十八年施糧於開平西南魚朝等  
莊邑令徐舉爲鄉飲耆賓其子允中允升仰承父志  
於雍正九年施糧於白官營等莊貧民普沾其惠允  
中候選經歷允升中乾隆戊午科副榜孫梧彤並登

武科人稱爲積善之報

范宏元字暉吉其先占籍漢軍康熙二十年移居於遷奉 恩例入籍遂家焉父早亡事母孝母患背疽顛天祈命母果愈叔時來任平陽遊戎無子元迎養終身尤篤愛諸弟諸弟亦矢恭慎不少閒仲宏亨喜施舍郡守旌之次宏利天性純篤敬事兄嫂兄沒寢息柩旁雖溽暑致疾弗恤也次宏貞撫孤姪飲食教誨致成令器

衛焜增廣生灤州人康熙年間灤州有丁贅子之累焜力請當事將人丁散歸地畝至今賴之

永平府志

卷六十

行誼一

二十四

姚敷于樂亭人康熙戊戌貢入太學色養承歡務得父母心閉戶課讀不干外事邑令沈繼先重之舉孝廉方正辭不受

李瑣字舒英樂亭人以優行入貢天性孝友二兄俱早歿兄嫂及孤姪無倚瑣收養之數十年如一日皆賴成名雍正三年舉賢良方正以親老不就

韓世勳樂亭人增廣生父晉亦庠生以孝友傳家世勳飭廉隅端操守教授生徒以奉甘旨父染疾日侍湯藥飲食必親奉三十餘年如一日積館金以建宗祠族人咸感其德督學吳襄優其行給匾旌之曰飭躬

勵行

孫昇撫甯人事親至孝父病湯藥親嘗衣不解帶及歿哀毀幾絕葬後廬墓三年每日親炊哭奠負土築墳鄉黨稱之雍正二年旌表

高士瑱臨榆人庠生父凌霄卒時士瑱年已六十廬墓三年朝夕哭奠母吳氏繼卒廬墓亦如之

李明生臨榆人監生孝友純篤母死廬墓三年雍正十一年選江南歙縣巡檢未蒞任卒弟標生府學增生母死亦廬墓三年

齊叟昌黎人庠生性孝友父作極亦庠生雍正間幕遊

永平府志

卷六十

行誼一

二十五

西蜀七年無耗叟日夜悲思乃徒步尋訪由京師歷山陝至成都始知卒於鄰水躡踊哀號扶柩歸里凡八歷寒暑計程一萬五千餘里跋涉艱難辛苦萬狀闔邑皆稱其孝

王積善樂亭人漢軍監生事親孝與人信臨財廉其父廷相以州同効力河工以河督于成龍保舉任江南鹽城縣丞卒於官積善年方冠號泣奔喪扶柩旋里安厝後廬墓三年雍正三年本旗保舉孝廉以母老侍養辭不就旋蒙題請旌表勅建孝子坊

李星垣字涵元蘭長子性孝友好讀書雍正乙卯詔

賜蘭廕一子星垣居長當廕請於父曰兒之才不及掖垣且兒已入太學若能讀父書可登仕版父曰善遂以掖垣廕踰年蘭卒於官扶櫬旋里廬墓三年釋服應京兆試屢薦弗售因絕志進取建慈孝堂奉母居焉未幾三弟皆出仕其母就養署中凡板輿所至必親隨之卒年五十八子樹滋廣西桂林司獄

李一龍字雲升樂亭人諸生國學生授縣丞職興官子也興官幼失怙恃勤儉起家凡遇里中婚葬貧不能舉者求無不應里人德之龍生而孝友母早卒事繼母曲承意旨每食必潔其米蔬父卒廬墓三年每朔

永平府志

卷六十

行誼一

二十六

聖必整衣冠備蔬菜時果率子孫拜於寢至老不輟弱冠析爨田產悉讓諸兄自擇所居宅基讓鄰家數尺奎光閣南路素狹縮園地以廣之人有負債貧不能償者則焚其券他如施棺造橋捨衣粥諸善事至今猶藉藉人口年八十四卒子四人蕙萼芬芳萼中壬申科武亞元蕙芬芳俱有聲巒序閒孫中淑成進士官教授另有傳中灝領鄉薦官知縣

郭熟字仁田如柏次子也雍正癸卯拔貢己酉舉於鄉少時父患時疫旋病癰晝夜侍衣不解帶勢甚危乃焚香籲天願減已壽十年以延父算父不藥而愈比

卒果符十年之數其戚趙子敬出刺光州邀兄衡同往趙被誣累及兄傳聞異辭欲往探其父以路遠不允泣曰長兄罹難於外老親懷憂於內不往徒坐悶耳因商於其母典已衣物得數十金隻身往卒與其兄偕歸晚授蔚州學正兩攝州牧篆實心任職上游咸引重焉年七十四卒於官

徐麟祥撫甯人歲貢生天性純摯孝事二親父卒時年已七十孺慕如故以爲善最樂銘其齋楹帖云存好心行好事讀好書交好人居恆守身接物恭謹和平人皆稱爲有道邑令莊公張公郡守梁公均賜額旌

永平府志

卷六十

行誼一

二十七

之

徐進孝撫甯農人也父患心痛幾死貧不能延醫禱神許願疾愈願未償而疾復作孝割胸前肉如掌禱還之疾竟瘳肉挂樹上數月不腐鷹雀亦不食人謂純

孝之感

邑人王運恆紀徐孝子詩十章云兔峯之西鄉曰翟田瀟龐萃止孝子生焉猗歟孝子徐氏之息皇錫嘉名能稱其實父病沈篤藥石無人傍徨號泣求援於神哀祝願割豕刲羊父病復作刳腹以償捧肉薦神神心亦痛監茲血誠拯其父病肉懸樹間感孚物類弗嘖弗餐鷹饑蠅穢不敗不腐數月如新天存懿物以示世人載拜敬書一字一淚高山景行俯仰愧至孝流芳編中數見以身代牲古今獨擅豈哉絕德邑乘光垂不慚銀管有道之碑

劉從性撫甯人性至孝母年八十二臥病不起性割股  
禱神病遂愈

徐從新撫甯人庠生母性嚴從新恪恭承順生平任俠  
急公人服其義本縣扁旌其門

楊重望撫甯人武庠生樂善好施義方教子同邑單擇  
中陳王基楊啟祥俱武庠生擇中持身醅謹教子嚴  
肅冬月恆舍薪米以濟貧乏子孫多游庠序王基啟  
祥耕讀教子足跡不入公門

馮泰運字熙軒撫甯人由貢士任溧水令吏治精敏嘗  
捐二百餘金助修撫甯學宮並治祭器二百四十二

永平府志

卷六十

行誼一

二十八

事云

遲震起字茂先昌黎人少食貧事親以孝聞生平謙和  
樂善無疾言遽色宗黨咸以長者稱之子二長曰旭  
爲浙江浦江令嗣宰湖廣黃梅起以子貴 封文林  
郎次曰昶歲貢生

王監字于隰灤州人性嚴重不苟嘖笑生平重然諾樂  
獎後進而尤敦族誼遇孝義節烈加意曲成與人交  
不以死生變易年八十卒進士汪公淑問爲著考終  
錄事甚悉

張應宿昌黎人貢生長沙郡守翰宸子性慷慨重然諾

恤貧周急無德色舉鄉飲大賓

徐進禮字天一山海衛人性醇樸少貧以勤儉成家與人交忠信和易尤篤友愛兩弟早世遺孤穉齡輔翼教誨與子無異平生足跡未嘗至公庭

劉燦遷安人孝行純篤親亡廬墓三年哀痛如初喪邑宰喬于瀛劉文煥皆給匾旌其門

宋濯遷安人少孤力耕以事祖母艱辛備歷事繼母曲得歡心竭力供三弟讀書俱入膠庠無異同母

陳德元遷安人幼孤貧長事祖母最孝祖母有疾率妻張氏晝夜祈禱湯藥必嘗時充行伍古北提督某欽

永平府志

卷六十

行誼一

二十九

其品授以標下把總元以祖母老辭不就士人賢之楊爾瑛昌黎人天性純篤年五歲時父震成謀生關外三十餘年絕音問爾瑛既長棄家徙尋潦倒五年忽於三烏拉南關帝廟遇之奉之歸養邑人稱其孝焉邑令旌其門曰烏江天鑑

趙瑯昌黎人歲貢生樂善好施值歲荒捐粟五百石煮粥賑饑賴以全活者甚眾府縣旌其門辭不受

甯咸臨樂亭人庠生援例入貢性醇謹居鄉樂善邑南關外木橋歲久將圯邑人議斃以石苦費巨莫舉咸臨首先倡之費錢四萬緡有奇子克昌亦以好施稱

焉

趙廷傑樂亭人性慷慨周人之急邑有死喪不能殮者  
施與棺槨三十餘年不怠郡縣皆給額旌之

任正傳字介庵樂亭人世授岐黃術至傳尤精其業任  
醫學訓科施藥濟人全活無算尤急公尚義凡邑有  
創建踴躍輸助爲士民先族黨咸矜式之

張霆樂亭人諸生縣西北十里許由高家莊至饅頭莊  
乃都門抵境官道舊爲河圯傾仄難行霆修砌之往  
來稱便邑井研令吳班摩石紀其事

